



Ya motuya ya koyeba na oyo etali esambiselo mpona botali ya milonga na ntina lya bokangi

Soki ba oyo bakengelaka ndelo ya mboka Canada (CBSA/ASFC = DGM ya Canada) bakangi yo mpona ntina ya kobwaka ngunda, oko leka na esambiselo liboso na Divisio ya Immigrasió ya Komisio ya CANADA ya Boingeli Bapaya na ya Mikanda mpona Bakimi-mboka (IRB/CISR) mpona botali ya milonga na ntina lya bokangi. Mokanda oyo ekosalisa yo kososola bitambe ya lolenge ya kosala ya botali ya milonga na ntina lya bokangi mpe nini okoki kozela.

Nini ekolekana na sima ya bokangi na yo:

1. Soki CBSA/ASFC ekangi yo, esengeli eyebisa Divisio ya ba bwaki ngunda ya IRB/CISR.
2. Esengeli osambisama mpona botali ya milonga na ntina lya bokangi na mikolo mibale kolandisa bokangi na yo to pe mbala moko. Ekoki pe kosalema ete CBSA/ASFC etiki yo okende liboso ya ko sambisama. Kasi soki CBSA/ASFC etiki yo te, Divisio ya ba bwaki ngunda ya IRB/CISR eko banda esambiselo mpona botali ya milonga na ntina lya bokangi.
3. Oko zwa likasa mpona oyeba esika pe ntango ya esambiselo
4. Esengeli pe ozala na ba kopi ya mikanda nyoso oyo CBSA/ASFC ako linga komema neti ba prève mukolo ya esambiselo
5. Esambiselo na yo ekoki ko salema na nzela ya videoconférence, na telefone, to na kibomoto
6. Mokambi ya esambiselo na yo – abengami Mosangani/mambre – nde ako kata likambo soki esengeli ba tika yo okende to otikala kuna.

Esengeli oyeba: bisambiselo nyoso ya IRB/CISR bizali kobongisama na nzela ya interneti. Kasi, okoki pe kosenga esambiselo na kibomoto. Soki mutu mosusu ateleme na esika na yo, akoki kosenga yango na mokanda. Okoki pe kosenga yomoko - na mokanda to na maloba.

Ntina ya IRB/CISR na Botali milonga lya bokangi

Mosangani/mambre ya Divisio ya ba bwaki ngunda ya IRB/CISR akoyoka likambo na yo mpe akozwa ekateli na likambo soki esengeli ba tika yo okende to otikala ya kokangama. IRB/CISR ezali lokola esambiselo (tribinale), kasi ya bonene te. Ezwaka bikateli oyo ezali na boyokani na mibeko.

Esengeli oyeba: mutu oyo akozwa ekateli na likambo soki esengeli ba tika yo okende to otikala ya kokangama azali **moko na kati ya Divisio ya Immigrasió**, abiangami mpe **Mosangani/mambre**.

Ntina ya CBSA/ASFC na Botali milonga lya bokangi



Molobeli mpona CBSA/ASFC ako zala na kati ya botali milonga lya bokangi mpo na ko ndimbola ntina lya bokangi na yo. Molobeli CBSA/ASFC ako mema elembetele (prève). Molobeli akoki ko loba été otikala ya kokangama to batika yo okende.

Esengeli oyeba: Molobeli mpona CBSA/ASFC abengami mpe molobeli ya Ministre to mpe molaki (conséyé) ya Ministre.

Okoki ko kamata mutu mpo na kozala molobeli na yo

Ata okoki koloba mpo na yo moko na esambiselo, okoki kozwa molaki (conséyé) mpo na kosalisa yo. Molaki akoki kozala avoka to mpe cosiltá ya babwaki ngunda akomisama. Soki oza na Quebeki, molaki akoki mpe kozala kalaka (notère). Ozali na mokumba ya kofuta molaki na yo.

Soki ozali na makoki ya kofuta molaki te, okoki kozwa lisalisi ya léta ya ofele. Bituká mpe bitando misusu ba pesaka lisalisi ya léta ya ofele na baponómí. Ba mbala misusu lisanga ya bato to mabongisi ya biyamba bisalisaka bakoti mboka (immigrant) na babwaki ngunda, bakoki mpe kosalisa yo. Tuna ofisyé bipayi ozali ya kokangama asalisa yo ozwa lisalisi ya léta ya ofele to lisungi mosusu. Soki oponi kozwa molaki to ozali na mutu ya kosalisa yo, sala yango na lombangu nyoso.

Moninga to moko nakati ya libota na yo akoki kozala molaki na yo **soki azo futama te** mpona lisungi wana.

Bantina oyo wapi ekoki kozala mpo na nini bakangi yo

Molobeli mpona CBSA/ASFC akoki kosenga moko na kati ya Divisio ya babwaki ngunda otikala ya kokangama soki CBSA/ASFC endimisami été ozali na kati ya moko na milonga oyo elandi :

Okoki kozala likama mpona bato banso

Mpo na kotékola etelemelo na ye, CBSA/ASFC ekoki kopesa ndakisa ya bomoí na yo ya:

- Lisangani na yo na lingomba ya babomi (basali mabé)
- Etumbu ya mobomi bakatela yo to kozelaka bifundeli mpona matúka lya bosangisi nzoto, matúka misusu na oyo etali bangi, to matúka na oyo etali minduki to makambo ya makasi
- Bizaleli, misala na makambo bizali kolendisa ete esengeli kotalela yo lokola moto ya likama

Okoki mpe komema bilembetele mpe bindimiseli na yo mpo na kolakisa Mosangani/mambre été ozali likama te.

Ekoki mpe kosalema été okobengama te mpona esambiselo lya kobwaka ngunda to mpona ekateli ya kobengana yo na Canada

Mpo na kotékola etelemelo na ye, CBSA/ASFC ekoki kopesa ndakisa ya ntango oyo :

- Oyaka te mpona makambo mitalaki kobwaka ngunda to tribinal
- Olandaka masengeli te
- Okotaka na mboka na ndenge ya kobombama



- Okimaka esika bakangaki yo mpo na mwa ntango

Okoki mpe komema bilembetele mpe bindimiseli na yo mpo na kolakisa Mosangani/mambre été okoya ntango bakosenga yo ozala.

Esili kotyama te soki ozali mpenza nani kasi ekoki kosalema

Ekoki kozala été okotaka na Canada na kozanga mikanda to mpe na mikanda ya lokuta. Na bongo, CBSA/ASFC ekoki kososolo te yo nani.

Esengeli osalisa CBSA/ASFC mpona efandisa bowúlani (identité) na yo. Okoki kosalisa na komeka komema mikanda oyo etalisi oza nani, mpe na kopesa nsango (informatiÓ) oyo ekosalisa CBSA/ASFC efandisa bowúlani (identité) na yo.

Mosangani/mambre ya Divisio ya babwaki ngunda akotalela milende ya CBSA/ASFC, mpe bosalisani na yo na CBSA/ASFC mpo na kotalisa bowúlani (identité) na yo, mpona kokata likambo été otikala ya kokangama to batika yo okende.

Okoki koboyama bokoti na Canada mpo na kobatela mboka to mpo na bobuki ntomo ya bato to ya bikólo biiké, bobomi ya liseki te, bobomi, to libongisami ya babomi

CBSA/ASFC ekolimbola matambe nini bazali kosala mpo na koyeba soki likolo ya milongo oyo ozali ya koboyama bokoti. Na bongo, Mosangani/mambre ya Divisio ya babwaki ngunda akoki obelé kotalela soki CBSA/ASFC azali na ntina ya kokanisela mabé mpe azali kozwa matambe esengeli mpo na bolukiluki ya makambo nyoso.

Ya ntina monene : yoka na bokebi nyoso mayé CBSA/ASFC azali koloba. Soki ozo sosola likambo moko té, senga ozwa ndimbola.

Ntina misusu ya kotalela na Botali ya milonga lya bokangi

Mosangani/mambre asengeli kotalela milonga lya bokangi na yo mpe :

- Ntango boni osali na bokangi
- Ntango boni bokangi ekoki kokoba soki batiki yo okende te
- Soki yo to CBSA/ASFC esali soki nini elaká (rétar) ekoki kolimbolama te
- Soki boponi mususu na bakongi ezali
- Bolamu ya mwana nyoso oyo esimbi na sémba (directement)

Okoki mpe komema bilembetele mpe bindimiseli na oyo etali bantina oyo mpo Mosangani/mambre atalela yango.

Nini elekanaka na Botali ya milonga lya bokangi

1. Mosangani/mambre akobanda na kolakisa moto nyoso na nkombo mpe kolimbola oyo ekolekana. Soki ozo sosola Angelé to Falansé té, molimboli akozala na esambiselo mpo na ko limbolela yo. Soki molimboli aza na esambiselo na yo, Mosangani/mambre akosololama été bozo sosola maloba ya moko na mosusu.

Ya ntina monene : soki oza na ntina ya molimboli kasi azali te, yebisa Mosangani/mambre ayeba.



2. Molobeli mpona CBSA/ASFC akoyembisa yo ntina lya bokangi na yo (**milonga lya bokangi**) mpe akomema bilembetele mpe bindimiseli kolakisa etelemelo na bango. Akoki kopesa ntina lya bokangi koleka nsé moko.
3. Bakopesa yo na molaki na yo nzela mpona koyanola, komema bilembetele mpe bindimiseli, mpe kotuna mituna.
4. Molobeli mpona CBSA/ASFC akoki kopesama mpona koyanola na oyo yo na molaki na yo bosili koloba
5. Soki banzénénéké bazali okati ya esambiselo mpona kobakisa maloba, Molobeli mpona CBSA/ASFC, yo, molaki na yo, Mosangani/mambre akoki kotuna bango mituna.
6. Mosangani/mambre akokata likambo soki esengeli batika yo okende to otikala ya kokangama nasima ya koyoka Molobeli mpona CBSA/ASFC, yo to molaki na yo, na banzénénéké soki bazali.

Na esika lya bokangi boponi mosusu ekoki kozala

Boponi mosusu na esika ya bokangi ezali libongisi mpona kotika yo okende na **masengeli** yako tosa. Okoki kopesa likanisi ya boponi mosusu na esika lya bokangi. Ntango ozo bongama mpona esambiselo, kanisaka mpe na ntina ya boponi ya bwanya na esika lya bokangi.

Masengeli makoki kozala:

- Kopesa CBSA/ASFC balabala esika ofandaka
- Kosala mbando mbala na mbala na CBSA/ASFC
- Kotosa ekombélá (bopekisi)
- Kofanda na moto moko songolo
- Komela dyamba to masanga ya milangwa te
- Masengeli iíke oyo esengeli na likambo na yo

Mosangani/mambre akokamata mokáno soki ntina ya masengeli ezali mpe nini bakozala.

Boponi mosusu na esika lya bokangi ekoki kosenga ndanga

Ezali na bandanga mibale:

- **Bokitisi** (to ndanga ya mbongo) : mbongo etyami/ekitisami na guvenemá yambo 'té batika yo okende. **Soki otosi masengeli te**, guvenemá ya Canada ekotikala na mbongo mpe CBSA/ASFC ekoki kokamata mpe kokanga yo lisusu. **Soki otosi masengeli**, CBSA/ASFC ekozongisa mbongo na ntango nango epayi ya moto oyo andimi kotatola mpona yo.
- **Galatí** (to ndanga ya mosala): Mopesi ndanga alaki kofuta motuya songolo ya mbongo soki otosi te masengeli mpona kotika yo okende. **Soki otosi masengeli te**, guvenemá ya Canada ekokongola mbongo epayi ya mopesi ndanga mpe CBSA/ASFC ekoki kokamata mpe kokanga yo lisusu. Mpona galatí, esengeli mopesi ndanga azala móí Canada to mofandi na mboka ya Canada, mpe alakisa 'té akoki kofuta ndanga, mpe akosala été okotosa masengeli mpona kotika yo okende.

Moto oyo azo pesa ndanga ye nde abengami Mopesi ndanga. Na esambiselo na yo, molobeli mpona CBSA/ASFC na Mosangani/mambre bakoki kotuna oyo olingi azala mopesi ndanga na yo mwa mituna ekosunga Mosangani/mambre ayeba soki ndanga ekozala ya kobonga. Mopesi



ndanga akoki kopesa oyo nsango yambo ya esambiselo ntango azali kotondisa **Mokanda Iya Mopesi ndanga (Bondsperson Information form/ Renseignements sur la caution)**.

Esengeli oyeba: Mopesi ndanga akoki kozala moninga, moi libota, mosali na lisanga, to mpe yo moko.

Osengeli kotalela bato oyo bakoki kozala Bapesi ndanga, mbongo boni ekoki kopesama neti ndanga, mpe ba nsango mosusu okoki kopesa mpo été esalisa Mosangani/mambre akata likambo. Osengeli mpe kotala malamumu été mopesi ndanga azali na ntango ya esambiselo mpona koyanola mituna ya molobeli mpona CBSA/ASFC na Mosangani/mambre.

Ntango okoyamba ekateli

Mosangani/mambre ya Divisio ya babwaki ngunda akokata likambo mpona koyeba soki bakotika yo okende to otikala na bokangi sima ya koyoka molobeli ya CBSA/ASFC mpe yo to molaki na yo. Na momeseno, Mosangani/mambre akopesa ekateli mpe milonga nango na suka ya esambiselo. Kasi, soki likambo eza kpókósó, Mosangani/mambre akoki kozwa mwa ntango mpona kotala na mokebi bilembo nyoso mpe akobongisa ekateli na ye.

Nini esalemaka soki Mosangani/mambre apesi ekateli été otikala ya kokangama

Soki ekateli ekweyi te otikala na bokangi, okozala na botali ya milonga lya bokangi mosusu na bumeli ya mikolo sambo (7). Na botali ya mikolo sambo, soki Mosangani/mambre ya Divisio ya babwaki ngunda apesi motindo été otikala ya kokanga, okozala na botali ya milonga lya bokangi mosusu na bumeli ya mikolo ntúkú ísáto (30), mpe kolanda mikolo ntúkú ísáto na mikolo ntúkú ísáto tii ntango bako tika yo okende to bakolongola yo na Canada. Na botali ya milonga lya bokangi nyoso, okoki komema makambo ya sika mpona kosunga esengi na yo batika yo okende. Soki ezalela na yo ebongwani okati ya botali bábalé, okoki kosenga Divisio ya babwaki ngunda esambiselo na lombangu.

Nini esalemaka nsima été batika yo okende

Nsima été batika yo okende, soki otikali na Canada, esengeli otosa masengeli ya botiki na yo. Masengeli wana makokoba tii ntango bakolongola yo o mboka Canada to tii bakobongola to bakolongola yango.

Okoki kosenga Divisio ya babwaki ngunda ebongola to elongola masengeli ma yo

Soki ezalela na yo ebongwani nsima ya masengeli maye masengélámi yo, komela Divisio ya babwaki ngunda mokanda kolimbola mpona nini olingi masengeli na yo ebongwana mpe tinda kopí epayi ya CBSA/ASFC. Okoki kosalela **mokanda ya esenge ya bobóngoli masengeli ya botiki (Application to vary conditions of release form/ Demande de modification des conditions de mise en liberté)** mpona esalisa yo koma wana mokanda.

Ya motuya : soki Ministre akitoli yo neti **mopaya oyo ayebani**, mingi na makambo makomami awa malongobani na yo te mpe okoki kozela mikolo zomi na mínei botali ya milonga lya bokangi ya liboso. Soki ozali mopaya oyo ayebani, Mosangani/mambre ya IRB/CISR na esambiselo na



yo akondimbola ndenge nini botali ya milonga lya bokangi elekanaka mpona batu baza na ezalela na yo.

Mpo na koyeba makambo mosusu : makambo makomami awa ewuti na Mobeko na oyo etali boingeli ya bapaya mpe bobatelami ya bakimi-mboka, Mabongisi na oyo etali boingeli ya bapaya mpe bobatelami ya bakimi-mboka, Mabongisi ya seksio ya boingeli bapaya, mpe Malako ya mokonzi 2 (na oyo etali bokangi) ya IRB/CISR ya Canada. Okoki kotanga mikanda wana mpona koyeba makambo na bozindo.